



NAVOIY VILOYATI KONIMEX TUMANI HOKIMINING QARORI

2025-yil 11-mart

50-5-70-Q/25

Konimex tuman hokimiligi

O‘zbekiston Respublikasi Prezidentining 2025-yil 27-fevraldagi “Xizmatlar sohasi barqaror rivojlanishi uchun qulay shart-sharoitlar yaratishga oid qo‘shimcha chora-tadbirlar to‘g‘risida”gi PQ-78-sonli hamda viloyat hokimining 2025 yil 4-martdagi 70-5-0-Q/25-sonli qarorlari ijrosini ta‘minlash haqida

2025-yil 7-fevral kuni O‘zbekiston Respublikasi Prezidenti raisligida o‘tkazilgan videoselektor yig‘ilishida hududlarda xizmatlar sohasini rivojlantirish bo‘yicha 2025-yil uchun belgilangan asosiy vazifalarni bajarish maqsadida,

QAROR QILAMAN:

1. O‘zbekiston Respublikasi Prezidentining 2025-yil 27-fevraldagi “Xizmatlar sohasi barqaror rivojlanishi uchun qulay shart-sharoitlar yaratishga oid qo‘shimcha chora-tadbirlar to‘g‘risida”gi PQ-78-sonli hamda viloyat hokimining 2025 yil 4-martdagi 70-5-0-Q/25-sonli qarorlari ijro uchun qabul qilinsin.

2. O‘zbekiston Respublikasi Prezidentining mazkur qarori bilan quyidagilar:

a) 2025-yilda xizmatlar sohasini rivojlantirishning asosiy maqsadli ko‘rsatkichlari etib quyidagilar belgilanganligi:

xizmatlar hajmini 15 foizga oshirish; sohada 3 million kishini daromadli mehnat bilan ta‘minlash; 52,2 mingta xizmat ko‘rsatish obyektlarini tashkil etish;

b) 2025 yilda:

xizmatlar sohasini rivojlantirish uchun 67,4 trillion so‘m miqdorida kredit mablag‘lari;

xizmat ko‘rsatish obyektlarini tashkil etish uchun developerlar orqali tadbirkorlik subyektlariga noturar joylarni lizingga berishga 4,5 trillion so‘m miqdoridagi mablag‘lar yo‘naltirilishi;

v) Yengil avtotransport vositalarida yo‘lovchilarni shahar, shahar atrofi va shaharlararo tashish faoliyati o‘zini o‘zi band qilgan shaxslar shug‘ullanishi mumkin

bo'lgan faoliyat (ishlar, xizmatlar) turlari ro'yxatiga kiritilmasligi hamda ular ushbu faoliyat bilan litsenziya varaqasi asosida shug'ullanishi belgilanganligi;

g) Qoraqalpog'iston Respublikasi Jo'qorg'i Kengesi, Xalq deputatlari viloyatlar va Toshkent shahar kengashlariga soliqqa tortish uchun ko'chmas mulk ijara to'lovi minimal stavkalariga nisbatan tumanlar (shaharlar) va zonalarga qarab o'rnatiladigan oshiruvchi koeffitsiyentni faoliyat yoki obyekt turlari bo'yicha tabaqalashtirish vakolati berilganligi;

d) quyidagilar tasdiqlanganligi:

2025-yilda O'zbekiston Respublikasida xizmatlar sohasini rivojlantirishning maqsadli ko'rsatkichlari;

2025-yilda xizmatlar sohasida 3 million kishini daromadli mehnat bilan ta'minlash hamda xizmat ko'rsatish obyektlarini tashkil etishning maqsadli ko'rsatkichlari;

2025-yilda xizmatlar sohasini yanada rivojlantirish bo'yicha "yo'l xaritasi";

e) O'zbekiston Respublikasi Prezidentining ayrim qarorlariga o'zgartirish va qo'shimchalar kiritilganligi inobatga olinsin.

3. Tumanda 2025-yilda xizmatlar sohasini yanada rivojlantirish bo'yicha "yo'l xaritasi" ilovaga muvofiq tasdiqlansin.

4. Tuman hokimining birinchi o'rinbosari v.v.b. (E.Hazratqulov), iqtisodiyot va moliya bo'limi (I.Beknazarov), kambag'allikni qisqartirish va bandlik bo'limi (R.Issakov), tegishli korxonalar va tashkilotlar bilan birgalikda har oyning 20-sanasiga qadar xizmat ko'rsatish sohasidagi loyihalar va aholi bandligini ta'minlash borasidagi ishlarning tizimli monitoringi natijalarini viloyat hokimligiga kiritib borish choralarini ko'rsin.

5. Tuman hokimining birinchi o'rinbosari v.v.b (E.Hazratqulov), tuman iqtisodiyot va moliya bo'limi (I.Beknazarov), tegishli korxonalar va tashkilotlar 2025-yilda tumanda xizmatlar sohasida 2752 kishini daromadli mehnat bilan ta'minlash hamda xizmat ko'rsatish obyektlarini tashkil etishning maqsadli ko'rsatkichlari taqsimot qilib, ijrosini ta'minlasinlar.

6. Mazkur qaror ijrosini nazorat qilishni o'z zimmasida qoldiraman.

Konimex tumani hokimi



**RO'ZIYEV
RUSLAN.NASIROVICH**

Konimex tuman hokimining
2025-yil 11-martdagi
50-5-70-Q/25-son qaroriga
1-ilova

Tumanda 2025-yilda xizmatlar sohasini yanada rivojlantirish bo'yicha "yo'l xaritasi"

T/R	Chora-tadbir nomi	Amalga oshirish mexanizmi	Ijro muddati	Mas'ul ijrochilar
1.	<p>Hududlardagi drayver loyihalar infratuzilmasini yaxshilash maqsadida mablag'lar ajratilishi bo'yicha zaruriy choralarini ko'rish.</p> <p>Bunda: istirohat bog'larini zamonaviy qiyofaga keltirib, aholini jalb qilish va boshqa servis obyektlarini tashkil etish.</p>	Amaliy choratadbirlar	2025-yil aprel 2025-yil davomida	Tuman iqtisodiyot va moliya bo'limi (I.Beknazarov), tegishli korxonalar va tashkilot rahbarlari
2	<p>Tashkilotlar (korxonalar) tomonidan o'z sohasida (hududida) ko'rsatiladigan xizmatlardan foydalanishni yengillashtirish uchun raqamlashtirish bo'yicha alohida "KPI" ko'rsatkichlarini belgilash bo'yicha Vazirlar Mahkamasiga takliflar kiritish choralarini ko'rish.</p>	Normativhuquqiy hujjat loyihasi bo'yicha takliflar	2025-yil mart	tegishli tashkilotlar (korxonalar),

3	<p>Mahallalarda ehtiyojdan kelib chiqib tunu kun faoliyat yuritadigan bir martalik tibbiy xizmat ko'rsatuvchi xususiy tibbiy punktlar (qon bosimini o'lchash, muolajalar ko'rsatish kabi hamshira xizmatlari) tashkil etish amaliyotini yo'lga qo'yish.</p> <p>Mahallalari uyushmasi viloyat boshqarmasi bilan birgalikda mahalla hududidagi mahalla va davlatga tegishli bino va inshootlarga bo'lgan ijara huquqini tashabbuskor tadbirkorlarga xususiy tibbiy punktlar faoliyatini yo'lga qo'yish uchun elektron onlayn auksion savdolariga chiqarib borish.</p>	Amaliy choratadbirlar	2025-yil apreldan boshlab muntazam ravishda	<p>Tuman tibbiyot birlashmasi (B.Imomkulov), tegishli tashkilotlar (korxonalar)</p> <p>Mahallalari uyushmasi tuman bo'limi (S.Risbekov)</p>
4	<p>O'zbekiston Respublikasi Prezidentining mazkur qarorida belgilangan mezonlar asosida 2025-yilda tuman (shahar)lar kesimida xizmatlarni rivojlantirish bo'yicha hududiy dasturlarni tasdiqlash choralari ko'rish.</p>	Chora-tadbirlar rejasi	2025-yil mart	Tuman iqtisodiyot va moliya bo'limi (I.Beknazarov),